

Broj: 10-37-2-114/26

Datum 23. 1. 2026. godine

Na osnovu člana 61.stav (2) Zakona o upravi („Službeni glasnik BiH“ brojevi 32/02, 102/09, 72/17) te člana 2. i člana 6. alineja 1. Instrukcije o postupku zaključivanja ugovora o djelu broj: 01-02-2-1969-2/20 od 24.01.2023.godine, Ministarstvo za ljudska prava i izbjeglice Bosne i Hercegovine *o b j a v l j u j e*

JAVNI POZIV

Za prikupljanje prijava za angažman vanjskog saradnika/konsultanta za promociju aktivnosti Agencije za ravnopravnost spolova BiH, sa naglaskom na prevazilaženje stereotipa i aktiviranje online kurseva

Aktivnost se realizuje u okviru projekta „*Institucionalno jačanje za rezultate u ostvarivanju ravnopravnosti spolova u Bosni i Hercegovini*“ (GEAR-UP for Gender Equality Results in Bosnia and Herzegovina) koji implementiraju UN Women BiH i Agencija za ravnopravnost spolova BiH (ARSBiH) Ministarstva za ljudska prava i izbjeglice BiH.

Projekat „*Institucionalno jačanje za rezultate u ostvarivanju ravnopravnosti spolova u Bosni i Hercegovini*“ (GEAR-UP for Gender Equality Results in Bosnia and Herzegovina) ima za cilj podržati razvoj kapaciteta i institucionalno jačanje mehanizama za ravnopravnost spolova u Bosni i Hercegovini, kako bi oni mogli djelotvorno provoditi svoje nadležnosti u implementaciji Gender akcionog plana BiH i ispunjavati obaveze u skladu s međunarodnim standardima, te na taj način doprinijeti unapređenju rodne ravnopravnosti i osnaživanju žena u Bosni i Hercegovini.

Opis zadataka saradnika/konsultanta:

U saradnji sa Agencijom za ravnopravnost spolova BiH, konsultant/ica će:

- Pružiti ekspertsku pomoć u promociji i diseminaciji aktivnosti ARS BiH kroz razvoj i distribuciju promotivnog/informativnog sadržaja namijenjenog institucijama Bosne i Hercegovine i široj javnosti
- Analizirati raspoložive mogućnosti za aktiviranje tri proizvedena online kursa (webinara) i predložiti optimalna tehnička rješenja
- Uspostaviti komunikaciju sa Moodle administratorom platforme Ekonomskog fakulteta Univerziteta u Sarajevu i koordinirati tehničko kreiranje kurseva na platformi, uključujući finalno testiranje
- Analizirati mogućnost kreiranja nove platforme za upravljanje učenjem - LMS platforme (ili postavljanja na platformu Agencije za državnu službu), te pružiti tehničku pomoć u realizaciji prihvaćenog rješenja
- Osigurati redovno tehničko održavanje i sigurnost LMS platforme, uključujući ažuriranje operativnog sistema i Moodle aplikacije (core i pluginovi), backup i provjeru kopija baze i datoteka, monitoring performansi i dostupnosti sistema, te optimizaciju rada servera i baze

- Pružiti stalnu tehničku podršku i intervencije po potrebi, uključujući redovne provjere sistema, izradu izvještaja o radu i hitne intervencije (vrijeme reagovanja do 2 sata)
- Obezbijediti ekspertsku pomoć u pripremi kurseva za zvanično puštanje u upotrebu
- Održati konsultativni online sastanak sa švedskim ekspertima ispred Agencije za ravnopravnost spolova Švedske (SGEA) radi razmjene iskustava i usklađivanja pristupa
- Pružiti podršku u integraciji i promociji edukativnih materijala o rodnoj ravnopravnosti na LMS platformi, sa posebnim fokusom na teme rodnih stereotipa.

Trajanje angažmana:

Ekspert/ica će biti angažovana 20 ekspertskih dana u periodu od tri mjeseca.

Opšti uslovi za prijavu koje kandidati trebaju ispuniti su:

- a) da ima navršenih 18 godina života;
- b) da je državljanin Bosne i Hercegovine, što se dokazuje uvjerenjem/dokumentom;

Kvalifikacije i potrebna znanja:

- Visoka stručna sprema iz oblasti društvenih ili tehničkih nauka.
- Najmanje 3 godine iskustva u oblasti rodne ravnopravnosti i/ili edukacijskih tehnologija.
- Iskustvo u radu sa LMS platformama (Moodle ili slično).
- Iskustvo u razvoju i promociji edukacijskog i informativnog sadržaja.
- Komunikacijske i organizacijske sposobnosti.
- Aktivno znanje engleskog i bosanskog/hrvatskog/srpskog jezika.
- Računarska pismenost (Word, Excel, Outlook, PowerPoint).

Pismo-prijavu sa Vašom biografijom dostaviti e-mailom na adresu **kristina.krstovic@mhrr.gov.ba** ili na adresu:

Ministarstvo za ljudska prava i izbjeglice BiH

Agencija za ravnopravnost spolova BiH

Dubrovačka 6,

71000 Sarajevo

Rok za prijavu je 8 dana od dana objavljivanja ovog Javnog poziva na web stranici ministarstva www.mhrr.gov.ba

